

**Key Statements for the 2022 International Chinese-speaking Conference**

**(2022 Mungdan Ga Däga Miwa Ga Hte Gälung Zuphpawng Na Mätu Mädung Ähkyak Lämi Ni)**

Hkristu hpe änhte a wenyi hta chyeju hku nna hkap la lu ai lam gaw äsak hkrung lam mahkra rai nga ai, tut nawng rai nga ai mäbyin mäsa ginlam ni rai nga ai. Läni hte läni mauhpa lam, Kärai hte seng ai len shälai gäran gächyan ai gaw mäsum längai Kärai gaw chyeju a wenyi hpe nhpaw n-ya sut su gärum jaw ya nga nna, änhte gaw chyeju a wenyi hpe tut nawng lu la ai lam byin pru nga ai.

Ga shäka ningnan kam sham ai ni gaw Kärai Käsang a yaw mäsing na Kärai a chyeju npu hta äsak hkrung ai la-

Ninggam hte ninggam tawt lai nna ngut kre hpring tsup ai mäsum längai Kärai hpe chyeju hku nna hkrum kädup hkam sha ai yawng pawng gumhpawn äsak hkrung ai lam gaw Hkristu a sak hkrung ai hkumhkrang rai nga ai Hpung hta ngut kre hpring tsup ai.

Chyeju gaw änhte a lit gunhpai ai wa hku nna Hkristu nan rai nna, änhte a mätsan jamjau hkrum ai lam ni, shädawn mäsat da hkrum ai lam ni, gawng kya ai lam ni kaw na änhte hpang de rawt jat law htam wa ai. Änhte hta lit li ai grau nga mägang, Hkristu hpe chyeju hku nna hkrum kädup hkam sha na mätu änhte hta ähkaw ähkang grau nna law mägang rai nga ai.

Mädu a yaw mäsing hta Kärai Käsang a chyeju ngut kre hpring tsup ai lam hte jähtum na gunrai gaw Kärai Käsang a ga shägawp hku nna Hkristu a hkumhkrang rai nna, sumsing lämu ningnan hte ginding äga ningnan hta Kärai Käsang a ding hpring ai lam a ngut kre hpring tsup ai lam hku nna, Yerusalem märe ningnan byin wa na mätu rai nga ai.

Änhte käbu gära na mätu Kärai Käsang shi hkum nan a nhpaw n-ya sut su lam ni gaw shädawn mäsat da lam ni yawng hpe lai di mat nna, htani htana prat dingsa yawng a man e shädan shädawng ai lam byin wa na rai nga ai.

**Outlines of the Messages  
for the International Chinese-speaking Conference  
February 18-20, 2022**

**GENERAL SUBJECT:**

**KÄRAI KÄSANG A YAW MASING HTA NGA AI KÄRAI KÄSANG A CHYEJU**

Message One

**Ga Shäka Ningnan Hta Hpaw Mädu Da Ai Hte Mären  
Kärai Käsang A Chyeju Grai Käba La Ai Ga Shädawn Lam**

Htina chyumdaw:-Yh 1:14, 16-17, Heb 10:29, 1Pet 5:10, Ehpe 1:5-6, 2:7-8, Shr  
22:21.

- I. Kärai Käsang a chyeju gaw grai käba la ai lam ga shädawn, ginlam rai nga ai-  
Yh 1:14, 16-17, Ehpe 2:7, Shr 22:21.**
- A. Chyeju gaw Kärai Käsang a ga shäka ningnan yaw mäsing hta käba dik ai, tengman ai mungga hte tsaw dik htum ai hpaw mädu da lam rai nga ai.-Yh 1:14, 16-17, Heb 10:29, 1Kor 15:10, Hpil 4:23, Shr 22:21.
  - B. Ga shäka ningnan chyum laika hta hpaw mädu da ai hte mären Kärai Käsang a chyeju gaw hpa rai nga ai lam chye na hkawn hkrang mäyu ai rai yang änhte gaw ga shäka ningnan chyum laika mahkra hpe längai hku nna äsan sha ding hkyawm mu ra ai.
- II. Ga shäka ningnan chyum laika hku nga yang chyeju gaw käja wa, änhte käbu gära na mätu änhte hpang de Kärai Käsang nan rai nga ai lam, rai nga ai. Yh 1:16-17, 2Kor 12:9.**
- A. Chyeju gaw shäin shäga ga hta nre sha, änhte a mähkrum mädu hta nga nga ai Kärai Käsang rai nga ai. Chyeju gaw änhte käbu gära na mätu Mädu a mäbyin nga mänga mahkra hte Hkristu hta nga nga ai Kärai Käsang rai nga ai. Ndai lam hta äsak, n-gun, myit sim sa lam, shingbyin lam, nhtoi, ding hpring lam, san seng lam, ätsam hte käga Kärai hte seng ai ätsam kumla ni lawm nga ai.
  - B. Chyeju gaw ähkyak mädu hku nna änhte mätu Kärai Käsang e gälaw ya ai lam hpe tsun ai nre. Chyeju gaw mäsum längai Kärai shi hkum nan änhte a käta de gäran gächyan ya ai, änhte käbu gära na mätu, änhte a mähkrum mädu hkam sha lam rai nga ai.- 13:14.
  - C. Ga shäka ningnan chyum laika gaw Kärai Käsang a chyeju läbau nan rai nna, Mädu a Kärai hte seng ai mäsum längai rai nga ai hta mäsum längai Kärai a shinggyim rudi hkam la ai hte ninggam hte ninggam lai di nna, ngut kre hpring tsup ai, kam sham ai ni hta shanhte a kä-ang e shämu shämawt ai hte äsak hkrung nga ai lam nan rai nga ai.- Yh 1:14, 16-17. Shr 22:21.

III. Chyeju gaw mäsum längai Kărai a hkrang nsam mäsum, Kăwa, Kăsha hte Wenyi – hta shi hkum nan dan dawng ai hte shădan shădawng pru wa ai lam rai nga ai.- 2Kor 13:14, Bu 6:22-27, Shk 36:8-9.

A. Chyeju gaw Mădu a shinggyim rudi hkam la ai lam hta mäsum längai Kărai nan rai nna, kam sham ai ni a kăta de, Kăwa hpe ru npawt hku nna, Kăsha hpe măbyin mäsa hku nna, Wenyi hpe hkan nang hkan sa ai lam hku nna găran găchyan na mătu rai nga ai.-2Kor 13:14.

1. Chyeju a npawt nhpang, chyeju a măbyin mäsa hte chyeju hpe hkan nang hkan sa ai lam gaw, ănhte a mătu yawng măyawng byin wa ai Kărai hte seng ai mäsum längai măbyin gaw mărai mäsum a măbyin lam ni rai nga ai.- Mat 28:19.

2. Kărai hte seng ai găran găchyan ai lam hta chyeju hpe Kărai Kăsang a chyeju, Hkristu a chyeju, Wenyi rai nga ai chyeju ngu shămying ai.- 1Kor 15:10, 2Kor 1:12, 8:1, 9, 9:14, 12:9, 13:14. Heb 10:29.

B. Chyeju gaw Kărai Kăsang a dan dawng ai lam rai nna, Mădu gaw Kărai rudi hte shinggyim rudi nga ai Kărai- Măsha byin wa nna, shinggyim äsak hkrung ai, si hkam ai, bai hkrung rawt ai lam hpe lai di nna hkrung rawt lung mat wa ai kăta de shang mat wa ai. Ya ten hta Mădu gaw ănhte hta shănu nga ai äsak jaw ai Wenyi rai nga ai.- 1Kor 15:45b, 6:17.

C. Chyeju gaw ănhte a mătu ninggam hte ninggam lai di kau nna, ngut kre hpring tsup ai mäsum längai Kărai rai nga ai. Shing rai yang she ănhte gaw Mădu hpe kăbu găra lu na rai nga ai. Yh 1:14, 16-17, 1Pet 5:10, 2Kor 13:14, Heb 10:29, 1Kor 15:10, 45b, Shr 22:21.

D. Ninggam hta ninggam lai di ai lam nnga ai sha, mäsum längai Kărai gaw ănhte hpang de chyeju nbyin wa lu ai.- Yh 1:14. 1Kor 15:45b.

1. Kăwa gaw Kăsha hta dan dawng nna, Kăsha gaw Wenyi hku nna chye na lu ai hte, Wenyi gaw ănhte kăbu găra na mătu chyeju hku nna ănhte a kăta de shang mat wa ai.- Heb 10:29.

2. Ninggam hte ninggam lai di nna, ngut kre hpring tsup ai mäsum längai Kărai gaw ănhte a kăta de shi hkum nan găran găchyan ya ai, chye ju hku nna ănhte a gam bum byin wa ai. Dai hku nna ănhte gaw Mădu hpe Kărai hte seng ai mäsum längai măbyin hta yawng măyawng hku nna kăbu găra lu na rai nga ai.- 2Kor 13:14.

IV. Ănhte a Kărai Kăsang hte Kăwa gaw “Shi a shăwang myit shărawng awng nga ai hte mären, Yesu Hkristu a jaw e, Kăsha yin la na chyeju hkam la lu u ga, shi ănhte hpe shawng nnan e san da măni ai”.- Ehpe 1:6b.

A. Kărai Kăsang gaw ănhte hpe chyeju gălaw ya ai lam gaw, Mădu gaw ănhte hpe chyeju a mäsa de tawn da ai lam tsun măyu ai. Dai re măjaw Mădu a chyeju gălaw ya ai lam hte gărurum jaw ya ai lam byin lu ai. Dai gaw ănhte

hpang de Kārai Kāsang a mābyin nga mānga mahkra hpe kābu gāra lu na mātu rai nga ai.- kaji 6b.

1. Ānhte gaw chyeju a māsa hta nga nga nna, chyeju a lam ni rai nga ai mājaw, Kārai Kāsang gaw ānhte hte rau myit dik n-gun lu nga ai.
2. Kārai Kāsang a myit dik kābu ai gaw ānhte hta nga nga nna, ānhte gaw Mādu hta ngwi pyaw nga ga ai. Hpang jāhtum hta shāda da kābu gāra ai lam lu wa ai. Ānhte gaw Mādu hpe kābu gāra nga nna, Mādu gaw ānhte hpe kābu gāra nga ai.

B. Shāwang myit shārawng awng ai wa gaw, Kārai Kāsang tsaw ra ai Kāsha rai nna, shi hta Mādu myit dik kābu nga ai.- Mat 3:17. 17:5.

1. Shāwang myit shārawng awng ai wa hta ānhte gaw chyeju gālaw ya hkrum nna, Kārai Kāsang gārum jaw ya ai lam hte ra shārawng kābu gāra ai lam byin shāngun hkrum nga ai.-Ehpe 1:6b.
2. Dai zawn re lam hku nna ānhte gaw, Kārai Kāsang hpe kābu gāra nna, Kārai Kāsang gaw Mādu myit ra n-gun lu ai shāwang myit shārawng awng ai wa hta Mādu chyeju gaw ānhte hpe kābu gāra nga ai. Mādu shārawng awng ai wa hta ānhte mung Mādu a myit ra kābu hpa lam byin wa ai.- Mat 3:17, 17:5.

V. Ehpe 2:8 hta Pawlu gaw “Kāning rai nme law, mākam māsham a mārang e, chyeju hte sha, nanhte hkye hkrang la ai hkrum mānit dai. Dai gaw nanhte kaw nan rai, Kārai Kāsang a kumhpaw kumhpa sha rai nga ai” ngu tsun da ai.

A. Chyeju gaw ānhte a kāta de gāran gāchyan ya ai Kārai Kāsang nan rai nga ai. Dai mājaw chyeju a mājaw hkye hkrang la hkrum ai ngu gaw, ānhte a kāta de gāran gāchyan ya ai, ninggam ninggam rawt jat gālai shai wa ai māsum lāngai Kārai hpe lu la da nna hkye hkrang la hkrum lu ai ngu tsun māyu ai.

B. Ehpesu laika gaw hkye hkrang la ai chyeju gaw Hkristu hta Kārai shi hkum nan hku nna ānhte a mābyin kāta de gun sa wa ya ai re lam, hpaw mādun da ai. Dai mājaw kāja wa, chyeju a mājaw hkye hkrang la hkrum ai lam gaw māsum lāngai Kārai hpe ānhte a kāta de gāran gāchyan ya ai a mārang e hkye hkrang la hkrum ai lam hpe tsun māyu ai lam rai nga ai.

C. Ninggam hte ninggam lai di ai māsum lāngai Kārai gaw ānhte a kāta de gāran gāchyan ya ai shāloi Mādu gaw ānhte a mākrum mādun hta hkye hkrang la ai chyeju byin wa ai.- 2Kor 13:14.

VI. Kārai Kāsang gaw ānhte hpe “ānhte hpe jaw dat mi ai hpung shingkang rawng ai chyeju a lam hpe shākawn kungdawn u ga,” kāsha yin la na chyeju hkam la lu u ga, shi ānhte hpe shawng nnan e san da māni ai.- Ehpe 1:5-6b.

A. Hpung shingkang gaw Kārai Kāsang dan dawng ai lam rai nga ai (Pru 40:34). Chyeju a hpung shingkang ngu gaw, Kārai Kāsang a chyeju hpe mādi mādun

nna, dai gaw änhte a käbu gära lam hku nna Mädu shi hkum nan tai let, Mädu hpe dan dawng ai lam rai nga ai.

B. Kărai Kăsang gaw änhte hpe käsha äya de shawng nnan na san da ai lam gaw chyeju hta Mädu a dan dawng ai lam hpe shäkawn kungdawn na mätu rai nna, dai gaw chyeju a hpung shingkang hpe shäkawn kungdawn na mätu rai nga ai.- Ehpe 1:5-6b.

VII. Kărai Kăsang gaw “Hkristu Yesu hta e änhte hpe chyeju jaw let, shi a nachying gälu käba htum ai chyeju hpe htawm hpang prat ni hta e mädun dan nga u ga” Ehpe 2:7.

A. Hkristu Yesu hta änhte hpang de Mädu a tsawra mätsan dum n-gaw n-wai ai hta Kărai Kăsang gaw chyeju hku nna änhte hpe hkye hkrang la ai. Dai zawn re mätsan dum n-gaw n-wai ai hta Kărai Kăsang a chyeju gaw änhte hpang de jaw da ai lam rai nga ai.- käji 7, Rom 2:4.

B. Kărai Kăsang a chyeju nhpaw n-ya sut su ai lam gaw, änhte a mähkrum mädup hkam sha lam hte käbu gära lam a mätu, änhte a käta de gäran gächyan ya ai Kărai Kăsang shi hkum nan a nhpaw n-ya sut su ai lam rai nga ai. Kărai Kăsang a chyeju nhpaw n-ya sut su ai lam gaw shädawn shädang mahkra hpe tawt lai awng dang kau ai.

C. Du wa na prat lädaw ni hta- Shäning hkying mi prat hte htani htana prat hta Kărai Kăsang gaw Mädu a chyeju grau htum awng dang ai nhpaw n-ya sut su ai lam hpe ninggawn tawa ting de hpaw mädun dan wa na rai nga ai.